



**R. P. Sebastiani Izquierdo Alcarazensis Societ. Iesv Regii  
Senatvs S. Inqvisitionis Hispaniarvm Qualificatoris, Et  
Olim Complvti Sacræ Theologiæ Professoris. Opvs  
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

**Izquierdo, Sebastián**

**Romae, 1664**

Quæst. 5. Vtrūm Deus sit maximè vnuſ.

---

[urn:nbn:de:hbz:466:1-76990](#)

ro propriè loquendo. Quia Deus vt sic non est pars numeri; cùm nullus sit numerus Deorum. Et hoc solum sensu negant, esse Deum vnum numero Doctores, & Patres primæ sententie. Si verò vñitas transcendentalis Dei cadat supra aliud prædicatum eorum, in quibus Deus conuenit cum alijs entibus, vt supra prædicatum entis, aut substantie, aut viuentis, &c. benè, & propriè poterit ea dici vt sic vñitas numerica, Deusque vt sic vocari vnum ens numero, aut vna substantia numero, aut vnum viuens numero, &c. Quia Deus vt sic reuerat est pars aliquius numeri entium, tunc substantiarum, vnum viuentium, &c. Et hoc sibi volunt Doctores secundæ sententie, dum Deo concordunt vñitatem numericam. In quo amplius non oportet morari.

## QVAESTIO IV.

*Vtrum vñitas sit attributum Dei posituum an negatiuum.*

50 **S**ermo esse potest in hac q. de vñitate transcendentali, aut de vñitate solitudinis iuxta distinctionem vñitatis quest. I. Si sit de prima. Qui dicunt, vnum transcendentali supra ens, seu pōtius supra subiectum, quod vnum dicitur, formaliter addere negationem; consequenter debent astrarere vñitatem transcendentalem Dei esse attributum negatiuum. Qui verò dicunt, addere quid positiuum; consequenter inter attributa Dei positiua debent eiusmodi vñitatem connumerare. Vtrosque retuli in Pharo Scient. disp. 17. q. 1. vbi ex professo de conceptu formalis vñis transcendentalis egī. Ex dictisque ibi breuissime questionem propositam, quodad dictam transcendentalem vñitatem attinet, endabo. Quod verò attinet ad vñitatem solitudinis, breuissime itidem subiungam, quod sentio. Quippe in Auctoribus de ea nihil reperio expressum.

## Propositio 1.

51 **V**ñitas Dei transcendentalis sumpta formaliter attributum est negatiuum. Quia illud attributum sumptum formaliter dicitur esse negatiuum, quod in eo conceptu obiectuo, quem nos de eo formamus, sive quem habet, prout a nobis concipiatur, aliquam dicit negationem, vt constat ex generali doctrina statuta supra disp. 2. q. 1. & 3. Sed vñitas Dei transcendentalis in eo, quem haber, prout concipiatur a nobis, conceptu obiectuo aliquam dicit negationem; nempe negationem distinctionis, qua Deus prout vñus vñitatem transcendentali in se est indistinctus in plures tales omnino, qualis est ipse, iuxta doctrinam etiam q. 1. statutam ex dictis latius loco citato Pharo Scient. Ergo vñitas Dei transcendentalis sumpta formaliter attributum est negatiuum.

52 Nec refert in conceptu vñitatis Dei transcendentalis saltem in concreto, aut etiam in abstracto sumpta aliquam formalitatem Dei positiuum includi. Nam, vt ea attributum negatiuum dicatur, fat est, quod infuper in se etiam inclusam præferat, vt verè præferat, negationem. Ahoquin contra communem sententiam Patrum, & Theologorum nulla ex diuinis attributis nega-

tias dicenda essent: quia nūla sunt, quae saltem in concreto, aut etiam in abstracto sumpta aliquid positivum Dei non includant in conceptu suo. Recognoscantur dicta ad rem supradisp. 2. quæst. 3.

## Propositio 2.

Negatio, quam vñitas Dei transcendentalis sumpta formaliter dicit in suo conceptu, aut est negatio quadam æquivalenter quidem vera, sed formaliter facta, aut est negatio rationis non facta, sed supposititia.

Debet namque esse, vt constat ex dictis, negatio distinctionis. Cūmque distinctione negata aut positiua, aut negatiua esse possit; erit vñque negatio prioris generis, si positiua distinctionis negatio, sive exclusio sit posterioris verò generis, si sit negatio sive exclusio distinctionis negatiua, prout etiam q. 1. traditum est. Latiusque ostensum, & explicatum in Pharo Scient. disp. 17. q. 1. citata. Cuius doctrina ad præsens præpositum recognoscenda est.

## Propositio 3.

Vñitas solitudinis, à qua Deus euadit 54 vnicus, sive solus in suā specie Deitatis, attributum negatiuum est sumpta formaliter.

Quia dicit in conceptu suo negationem aliorum Deorum, vt constat etiam ex dictis quest. I. Quod fatis est, vt sit attributum negatiuum iuxta dicta circa proposit. I. Negatio autem aliorum Deorum excludens ipsos ab statu existentiā vera negatio, sive veritas negatiua est. Non item negatio excludens ipsos ab statu possibilis. Nam hæc nostro dumtaxat modo concipiendi est negatio, re tamen ipsa veritas positiua, prout in eadem q. 1. ex vñiusfaliori doctrinā Pharo Scient. statutum est.

Quomodo autem vñitas Dei tum transcendentalis, tum solitudinis, non obstante negatione, quam præferit in suo conceptu, perfectio Dei nihilominus, eaque simpliciter simplex dicensit, ex vñiversalis doctrinā de perfectionibus diuinis tradenda infra disp. 16. constabit.

## QVAESTIO V.

*Vtrum Deus sit maximè unus.*

55 **V**nitatem Dei esse omnium maximam, ipsum que Deum propter cā maximè unus, seu summè vñus esse, communis videretur esse consensus Theologorum, & Patrum. Ex Patribus enim Bernard. lib. 5. de considerat. cap. 7. art. Tam simplex Deus, quād vñus est, est autem vñus; & quonodē aliquid nūl, si dici potest, vñissimus est. Et paulò post. Hinc de eo Boetius. Hoc vere vñus, in quo nullus est numerus, nullum in eo aliud, præter id, quod est. Compara huic vñi omne, quod vñus dici potest, & vñus non erit. Et numeratis reliquis vñis addit. Verum hæc omnia quid ad illud summatum, atque, vt ita dīcam, vñicè vñus? Hanc

vñi

vni quoduis illorum si assimiles, erit quoquo modo vnum; si compares, nullo. Igitur inter omnia, que recte vnum dicuntur, arcem tenet unitas Trinitatis, qua tres persona una substantia sunt. Et Ricard. Vict. lib. 2. de Trinit. cap. 17. Vbi autem summa simplicitas, ibi vera, & summa unitas. Quidquid ergo in summo bono est, verè, & summè vnum est. Et cap. 19. In illâ verè, & summè fælici diuinitate est summa, & substantialis unitas. Multique ex Patribus propterea Deum vocant, ipsum unitum, vel ipsam unitatem. Ita Ansel. in Prosol. cap. 18. Marius Victor. lib. aduersus Arium post medium, Origen. lib. 1. Periarchon cap. 1. Ambros. in symbolo Apostolorum cap. 1. & Antonius Abbas epist. 6. ad fratres Arsenioitas in tom. 3. Biblioth. Patrum. Quia etiam phrasis vi sunt antiqui Sapientes, vt Trismegistus, Empedocles, Parmenides, Melissus, Xenophanes, Damascius, & Philo fudens. Ut videre est apud Eugubinum lib. 3. de Perenni philosophia cap. 5, 6. & 7. Qui cap. 5. sub initium ait. Pristos appellasse Deum perfectissimam, primam, precipitam, & in omni unitate intoncem principatum unitatum, & ipsam unitatem. Ex Theologis autem in eadem sententiâ sunt. Aleni. Albert. S. Th. D. Bonav. Richard. Agid. Henr. Caiet. apud Gillium lib. 2. de Deo tract. 3. cap. 9. & Fasol. 1. p. q. 11. art. 4. Vbi S. Th. & omnes eius expositores. Ratio autem S. Th. est. Quia, cum vnum sit ens indivisum, id erit maximè vnum, quod fuerit maximè ens & maximè indivisum. Sed Deus est maximè ens; quia non habet esse determinatum, id est limitatum adueniens essentiae; enim sit ens per essentiam: & est maximè indivisus; quia neque dividitur actu, neque potentia vel modo; cum sit omnibus modis simplex. Ergo Deus est maximè vnum. Quia quidem ratio varijs difficultates patitur, quas varij variè expedire satagunt: ut videri potest apud Recupit. lib. 5. de Deo q. 13.

Ego contentaneò ad doctrinam de simplicitate Dei traditam in simili supra disp. 11. q. 9. arbitror primò unitatem transcendentalis sumptam formaliter ex genere eorum conceptum esse, qui non suscipiunt magis, & minus: constitit enim, vt vidiimus q. 1. in exclusione omnium distinctionum subiecti, quod dicitur vnum, in plura talia, quale ipsum est, omniumque subinde pluralitatum talium; & nulla est excogitabilis maior exclusio alium distinctionum, pluralitatumque quam omnium, minor autem, quam omnium, non est unitas. Ex quo patet, nullam eiusmodi unitatum maiorem aliâ posse esse; nullumque ab eiusmodi unitate vnum quatenus tale posse esse, magis vnum, quam aliud.

Secundò arbitror, unitatem etiam solitudinis ex eodem genere conceptum esse, qui non suscipiunt magis, & minus. Quia, vt etiam vidiimus q. 1. constitit in exclusione omnium aliorum eiusdem speciei vel atomæ, vel subalterne cum subiecto, quod ab ea dicitur vnum, seu potius vnicum: & nulla est excogitabilis exclusio talium maior, quam omnium; minor autem, quam omnium, non erit unitas huiusmodi, sive vnicitas. Ex quo patet, nullam huiusmodi unitatum maiorem aliâ posse esse; nullumque subiectum ab huiusmodi unitate magis vnicum, seu magis solum in sua specie posse esse, quam aliud.

Vnde arbitror tertio, formaliter, & rigorose, & propriè loquendo, Deum magis vnum, quam quoduis aliud ens aut unitate transcendentali, aut unitate solitudinis dici non posse; & consequen-

ter nec maximè vnum, nec summè vnum; ipso cuius unitas aut transcendentalis, aut solitudinis sumpta formaliter prout talis maior esse non potest unitate aut transcendentali, aut solitudinis sumpta similiter cuiuslibet alterius entis; & consequenter nec potest esse maxima omnium, nec summa omnium.

Nihilominus arbitror quartò, etenim vnum subiectum posse, & solere dici magis vnum, quam aliud unitate transcendentali, quatenus pluribus titulis, sub pluribus ve considerationibus habet eiusmodi unitatem; & consequenter quatenus pauciores habet in se pluralitates oppositas talibus unitatibus. Quo iure eò dicetur ens magis vnum, quo pauciores compositiones habuerit. Et eo minus vnum, quo piures. Sic homo magis vnis venit dicendus, quam quius vnis numerus hominum: quia non solum est indistinctus in plures tales numeros hominum, ut ille est; sed etiam in plures tales homines; paucioresque subinde pluralitates habet, quam ille numerus, cum solas habeat pluralitates suarum partium, ille autem numerus insuper pluralitatem hominum. Sicut etiam corpus hominis magis vnum est, quam ipse homo; quia non solum est indistinctum in plures tales homines, sed etiam in plura talia corpora hominis; paucioresque propter pluralitates habet, quam homo; cum solas habeat pluralitates membrorum, & partium integralium; homo autem insuper essentialium, anima scilicet, & ipsius corporis. Pariterque de similibus philosphandum est. Vnde concluditur, illud ens dicendum venire in isto sensu maximè vnum, vel summè vnum, quod nullam partium pluralitatem habuerit, sed prorsus simplex fuerit. Quo iure Deus maximè, & summè vnum vocari potest: tametsi non ipse solus, sed alia insuper entia sint in isto summo unitaris gradu, scilicet ea, quae sunt omnino simplicia.

Quintò arbitror, unitate etiam solitudinis illud subiectum posse, & solere dici magis vnum, seu magis vnicum, quam aliud, quod in pluribus statibus, quam illud, est expers confortio aliorum eiusdem speciei. Quod pacto Deus magis est vnicus, quam quoduis aliud ens possibile, atque adeò maximè omnium, seu summè vnicus. Quia Deus non tantum in statu existentia, sed etiam in statu possibilis est vnicus, & solus in sua specie Deitatis. Cum tamen quodlibet aliud ens possibile in solo statu existentia possit esse vnicum, sive solum in sua specie; vt defacto est sol, & hic Mundus: non verò item in statu possibilis; eo quod nullum est ens possibile, cuius speciei non sint alia plura, immo alia infinita possibilia, vt ostendemus q. 6.

Sextò denique arbitror, aliter præterea, loquendo minus formaliter, posse, & solere Deum dici maximè vnum, aut summè vnum, vt sensus sit, Deum habere unitatem cum maximâ, aut summâ perfectione. Quo pacto dici etiam solet Deus esse maximum, aut summum ens, maximumque, aut summum existens, & eius essentia, sive natura maxima, aut summa essentia, sive natura. Tamen res conceptus entis, existentis, & essentie, sive naturæ ex genere etiam eorum sint, qui sumptu formaliter non suscipiunt magis, & minus; & consequenter quorum nullus dici potest maximus, aut summus omnium sui generis, sive maximè, aut summè talis. Sensusque proinde est, Deus esse summum ens quoad perfectionem essendi, consequence summum existens quoad perfectionem exi-

stendi, & eius essentiam, sive naturam esse summam quoad perfectionem essentia, sive natura. Id est, Deum habere summam perfectionem clementi, & summam perfectionem existendi, cuique essentiam, sive naturam habere summam perfectionem essentia, sive natura. Particulæ centenæ dum est de similibus loquutionibus. Quarum omnium ratio conspicua est. Quia, cum perfectio ex una parte sit ex genere eorum conceptuum, qui suscipiunt magis, & minus, proindeque quantitatem metaphysicam habent iuxta doctrinam, vniuersalem traditam supra disp. 10. q. 2. ex alia vero parte sit prædicatum transcendens omnia attributa intrinseca Dei, & reddens vaquum quodque eorum non solum infinitæ, sed summe perfectionem in suo genere, prout fusi explicabitur infra disp. 16. Congruentissime factum est, ut quodvis talium attributorum, etiam si sit ex genere eorum conceptuum, qui non suscipiunt magis, & minus, summam nihilominus, sive maximum ap. pelletur, scilicet quoad perfectionem sibi propria, quæ in suo genere summa formaliter, sive maxima est.

**63** Quæ omnia cum ita sint, iam palam est, quibus ex titulis potuerint iure optimo Patres, atque Theologi Deum maximè unum, seu summè unum appellare, aut etiam eius unitatem summam, & maximam; tametsi ea præcisæ, & formaliter sumpta nec summa, nec maxima dici possit rigorose loquendo; eo quod ex genere est eorum conceptuum, qui nullam quantitatem metaphysicam habent; propterea que dicuntur non suscipiunt magis, & minus. Potuerunt quippe Theologi, & Patres huiuscmodi appellationibus utriusque tribus ex titulis, sive in tribus sensibus explicatis, ut potest in quibus omnibus, ut vidimus, verissime potest Deus dici maximè unus, seu summe unus. Cum hoc tamen discrimine, quod Deus comparatus ad creaturem in primo trium dictorum sensum solum negatiæ est summæ unus, quatenus nulla creatura est magis una quam ipse; tametsi multæ in eodem sint gradus summae unitatis, ut potest omnino simplices, nullaque omnino inde pluralitatem continent. In duobus vero posterioribus positivæ est summæ unus. Quia nulla omnino est creatura, quæ in omni statu unica sit; aut quæ cum summa perfectione sit una; sicuti ipse est.

**64** Quod autem Deus sit in personis Trinus, nihil omnino derogat unitati naturæ, sive essentiæ, sive substantiæ, atque adeo Deitatis eius, de qua solum nobis latro est: quandoquidem tota natura Dei, seu tota Deitas cum sua, quam habet, summæ unitatem in singulis tribus personis integræ, & indiuisimæ est per identitatem; ut latet exponitur à Theologis in tract. de Trinitate.

**65** Quod hic nonnulli dubitant est, an unitas naturæ divina, sive Deitatis tanta sit, aut maior, aut minor, quam unitas vniuersiusque personæ figuratum sumpta, quo sensu illæ comparationes istas subire possunt. Videtur enim esse minor naturæ unitas; eo quod, cum sit communis natura tribus personis, earum videtur quodammodo pluralitatem patipare; cum tamen una quæque persona per se sumpta nihil penitus de pluralitate aliarum, quibus communis non est, participet. Sed dicendum est cum Gillio, Fasolo, Recupito vbi supra, & alijs communiter, tantam omnino esse unitatem naturæ, quanta est unitas vniuersiusque personæ figuratum sumpta. Quia, ut nuper est dictum, nihil derogat unitati naturæ diu-

na, quod ea tribus personis communis sit: eo quod, quam unitatem habet in se, eamdem integræ omnino, & indiuisimæ retinet in earum singulis. Atque adeo, sicut in se considerata ex nullo capite, potest minorem unitatem habere, quam vnaquæque persona, ita neque considerata in personis ipsis. Vbicunque ergo consideretur natura diuina, adeo est summe una in omnibus tribus sensibus supradictis, ut nulla sit excogitabilis in aliquo eorum unitas maior, quam est unitas eius. Cumque unitas vniuersiusque personæ, ut potest unitas æquæ diuina, ac unitas naturæ, ex nullo item capite minor, quam hæc possit euadere; conficitur, unitatem naturæ, & unitatem vniuersiusque personæ comparatas inter se æquales esse in tribus sensibus prædictis. Atque ita quamlibet eorum summam esse negatiæ comparatione alterius, id est minor, quam illam non est; sed in eodem summo gradu magnitudinis esse cum ipsis.

Sed obiecti potest contra hanc doctrinam. **66** In vnaquaque persona diuinæ naturæ præcisæ considerata virtualiter est distincta à personalitate, ut nos cum plerique Theologis statuimus in Phato Scient. disp. 13. q. 6. Igitur in vnaquaque persona diuinæ est pluralitas virtualis, quæ non est in natura ipsæ sumptæ præcisæ. Atque ideo unitas vniuersiusque personæ tanta non est, quanta unitas naturæ. Respondeo, in vnaquaque persona diuinæ dislingui quidem virtualiter naturam consideratam præcisæ à personalitate, non tamen in ordine ad se, sed in ordine ad sufficienda sine repugnantiæ prædicata aliæ ex se contradictione, ut abunde loco citato explicatum est. Quo sit, ut unitas vniuersiusque personæ, quæ in ordine ad ipsam venit consideranda, no virtualiter quidem minuatur à tali virtuali distinctione; & consequenter ne virtualiter quidem ratione illius quadrat minor, quam unitas naturæ.

Noto ad extremum, sententiam, & loquutio-  
nem communem Theologorum, & Patrum statu-  
tam in principio questionis paulò aliter exponi à  
Gillio, Fasolo, Recupito, & alijs supra commemo-  
ratis. Quid verò ab illis minus recte sit dictum,  
facile poterit vnuisque ex dictis à nobis colli-  
gere. Neque enim expedit, ut nos in eis refelli-  
dis speciatim modo immoremur.

#### Q V A E S T I O VI.

*Vtrum esse unum, sive unicum sit  
proprium Dei.*

**S**Vppono primò, ut prorsus certum, unitatem, **68** tum transcedentalem, tum solitudinis, quæ ratione conuenit Deo à se, & per essentiam, nullatenus posse vlli creaturæ conuenire; atque adeo, quæ ratione conuenit Deo à se, & per essentiam, esse propriam Dei. Quia non potest quidem conuenire vlli creaturæ aliter, quam per participationem, & ab alio, ut est notissimum.

Suppono secundò, etiam ut certum, præcindendo à modo conuenienti per essentiam, aut per participationem, unitatem transcedentalem, quæ est passio entis vniuersalissime sumpti non esse propriam Dei, sed Deo & creaturis communem; quemadmodum & ipsum prædicatum entis vniuersalissime sumpti Deo, & creaturis commune, est. Quia, ut Deus tali unitate est unus, quate-

B B B nus